

Hoom dort ihr' Fraad' neer aah  
Narriich in Fuss un Baa'.

Hm! 's is heit ä großer Bahl  
Dort in genn Saal.

Hah! Die hoom gar Larvn dra',  
Kennt mr se besser aah;  
Schwarze drblickt mr weiß,  
Kluge sei dumm mit Fleiß<sup>1)</sup>.  
Hah! Die hoom gar Larvn dra',  
Kennt mr se aah!

Na, du liebe Fosnd du,  
Machst mieh racht innig fruh!  
Epper hot's über'sch Gahr  
Mit de Gruum kä' Gefahr!  
Na, du liebe Fosnd du,  
Machst mieh racht fruh!

C. G. Wild.

#### 4. Dr Guffastn-Ma'.

Nu, seid 'r Alle an de Löchle?  
Su gatt<sup>2)</sup> sei Achtung, wos nu kimmt!  
Do stiht ä Ma' vun lauter Knöchle,  
'S is sei dr Lud, daar Alles nimmt!  
'r hot ä Sens' un aah ä Sanduhr miet,  
Do racht aar eich nooch enn jedn Schriet!  
Un die sei epper frach un daamisch laasn,  
Die thut daar Dingerich ze-erscht wackraasn.

<sup>1)</sup> mit Fleiß = geflissentlich, mit Absicht.

<sup>2)</sup> gatt = geht.